




MICROFILM

राष्ट्रीय अभिलेखागार पुस्तकालय
NATIONAL ARCHIVES LIBRARY

भारत सरकार
Government of India
नई दिल्ली
New Delhi

1279
10/21

आह्वानांक Call No. _____

अवधि सं० Acc. No. **972**

22

②
211

801 431
Sh 23 m

॥ वन्देमातरम् ॥

महालक्ष्मी पुस्तकमाला का तृतीय पुष्प

मारवाड़ी राष्ट्र-गीत



लेखक और प्रकाशक

पं० सवाईराम शर्मा

110 बड़ा बाजार

मु. पो० मलकापुर (बराँ))

MALKAPUR-Berar

प्रथमावृत्ति १९०९.

पृष्ठ १ आठ्ठा.

श्री ईश्वर प्रिन्टिंग प्रेस—महुवा में मुद्रित.





॥ वन्देमातरम् ॥

माखाडी राष्ट्र-गीत

गायन नं० १

(तर्ज-पनजी मूँडे बोल)

चाल चाल तू सत्याग्रह ने, गांधी बुलावे रे, जल्दी चाल रे
अन्यायी सत्ताने मिटावा, देश बुलावे रे, जल्दी चाल रे ॥ १ ॥
जुनी बातें थने सुणावा, जी सँ आफत आई रे,
आपस की फूटसँ भारत, आँ दशा बणाई रे, ॥ २ ॥
देश बण्यो परतन्त्र फूटसँ, जुल्मी शासन पायो रे,
जुनो वैभव नष्ट कियो और, नाम गमायो रे जल्दी ॥ ३ ॥
ढाँका की मलमल भी छुपगई, बढ़िया माल स्वदेशी रे,
अब तो आवे भर भर बोटाँ, माल विदेशी रे, जल्दी ॥ ४ ॥
कितना ही महसूल बढ़ा कर, परजा बणी भिखारी रे,
रामकृष्ण को गयो जमानो, आई नादारी रे, जल्दी ॥ ५ ॥
गांधी जवाहिरलाल बुलावे, आबो कराँ तैयारी रे,
भारतने स्वाधीन बनावो, बिनती म्हारी रे, जल्दी ॥ ६ ॥

[२]

गायन नं० २

[तर्ज-पनिहारी पल्लो]

चालो चर्खा प्रेमसँ, सुखदायक हो, दुःखनाशक हो
 भारत का थे प्राण, दीन सहायक हो, ॥ धृ० ॥
 बिगड़ी बाजी सुधारवा, गण नायक हो,
 शंभु जैसा शुद्ध, थे फल दायक हो, ॥ १ ॥
 याने अपनाया सुख ऊपजे, धन दायक हो
 भारत की थे आन, दुःख निवारक हो, ॥ २ ॥
 फिरसँ भारत वर्ष, उन्नति दायक हो,
 दीन जनों का आप, बिगड़ी सुधारक हो, ॥ ३ ॥
 थाँरी मधुर आवाज में गुण गायक हो,
 गांधी जी की शान, चर्खा नायक हो ॥ ४ ॥

गायन नं० ३

[तर्ज-मूँदड़ी]

लेना लेना जी खबरीयाँ, बन्धु अपना देश की ॥ धृ० ॥
 भारत माता तुम्हें बुलावेँ, सत्याग्रहसा मंत्र सिखावेँ
 जिससे आजादी फिर पावेँ.
 हालत हुई खराब गुलामी सँ इण भारत देश की ॥ १ ॥
 चर्खा कर्माने अपनावो, बानों खादी को सिलवाओ
 मलमल सँ अब प्रेम हटाओ.
 जिणसँ हिन्दू बणें स्वाधीन गुलामी मिटजा देश की ॥ २ ॥

घर घर लूण खूब बणवाओ, वन में गायाँ मुफ्त चराओ,
 गुत्ता दारु का उठवाओ,
 सत्ता अन्यायी मिटवाओ, बन्धु अपना देश की ॥ ३ ॥
 चिता जैल तणी अब छोड़ो मुख नहीं कर्तव्याँसूँ मोड़ो,
 भारत माँ सँ नेहा जोड़ो,
 केवे शर्मा मन बिसराओ, उल्फत अपना देश की ॥ ४ ॥

गायन नं० ४

(तर्ज-कोरो काजलियो)

हुओ देश महा दारिद्र्य अब क्यूँ चेतोनी ॥ धृ० ॥
 जुल्मी शासनसँ भारत पूर्ण हुओ है अब भारत
 थे सोया गफलत नींद अब क्यूँ चेतोनी ॥ १ ॥
 करो तैयारी मिलसारी सत्याग्रह करदो जारी,
 थे भय राखो मत मित्र अब क्यूँ चेतोनी ॥ २ ॥
 आवे पोलिस आबाघो, करे कैद तो करवाघो
 थे मन में हिम्मत राख, अब क्यूँ चेतोनी ॥ ३ ॥
 जैल तणी पर्वाह छोड़ो, भारतसँ नेहा जोड़ो
 यूँ गांधी केवे आज, अब क्यूँ चेतोनी ॥ ४ ॥

गायन नं० ५

(तर्ज-तीतर बोलयो क्यूँ नीरे)

थे सत्याग्रह अपनावो, कबतक आफत भोगोला ॥ धृ० ॥
 नौकर शाही है जुल्मी, बन्द करी बातें इल्मी,
 थे चुप बैठा क्यूँ घर में, कबतक आफत भोगोला ॥ १ ॥

भूखां मरै थारा टावर, मिटयो आज सारो आदर
हुओ देश महा दारिद्र्य कबतक० ॥ २ ॥

घणा घणा महसूल बढा नया नया कानून बणा,
कर शोषण नीति जारी, कबतक० ॥ ३ ॥

चेतो ये केवे गांधी, बन्द करो गोरी आंधी,
हो थामे कुछ पुरुषार्थ, कबतक० ॥ ४ ॥

गायन न० ६

(तर्ज-तू चाल सभा में चाल, मारा ढोला जी)
तू सत्याग्रह अपणाय, म्हारा बालमजी ॥ ध्रु० ॥
जुल्मी बणगयो देशधणी, आफत बढ गई प्रजातणी,
तू हिम्मत अपणी बढाय, म्हारा बालमजी ॥ १ ॥
पोलिस आकर पकड़ेला, डंडा बेड़ी जकड़ेला,
ये शांति व्रत दो निभाय, म्हारा० ॥ २ ॥
माफी माँग मतो लिज्यो, धणी बापजी मत कहिज्यो,
जौहर भारत माँ को दिखाय, म्हारा० ॥ ३ ॥
भय लागे लख हथकड़ियाँ, तो पहिनो म्हारी चुड़ियाँ
छुप जाओ आ घर के माय, म्हारा० ॥ ४ ॥
थारी पाघड़ीयाँ मैं बाँधा, पाँचो शस्त्रने मैं साँधा,
जा सन्मुख रण के माय, म्हारा० ॥ ५ ॥
शर्मा केवे ज्यूँ कीज्यो, अपयश जग में मत लीज्यो,
अपयश खोटी जगमाय, म्हारा० ॥ ६ ॥

गायन नं० ७

(तर्ज-गालियों की)

हाँ, करो सत्याग्रह जारी, ऐसा हुक्म हुआ सरकारी,
 चाडौली जैसी बन्धु, मिलकर धो तयारीरे ॥ धृ० ॥
 जुल्मी शासन बस्त बनाया, भारत को कमजोर बनाया,
 शोषण नीति बना करी, भारत की रक्वारी रे ॥ १ ॥
 मद्यपान से जनता सारी, हुई मुख और पशुताधारी,
 चेतो बन्धु दूर करो आ, पशुता सारीरे ॥ २ ॥
 झीणा बखाने दूर भगावो, खादीने पाछी अपणाओ,
 चर्खा से हो मुक्ति देश की, करदो जारी रे ॥ ३ ॥
 गांधीजी केवे ज्यूँ कीज्यो, टेक्स नहीं कुछ भी थे दीज्यो,
 कहें आपसँ शर्मा आई, विनती म्हारी रे ॥ ४ ॥

गायन नं० ८

(तर्ज—गालियों की)

हाँ, सदा खादी अपणाओ, बख विदेशी दूर हटाओ ॥ धृ० ॥
 नाथुराम जी वाली लाड़की, चखानि बुलाओ ॥ १ ॥
 लज्जा रहसी खादीसँ, अब मान बढ़ाओ ॥ २ ॥
 मेंचेष्टर के कपड़ासँ, हुआ देश परायो ॥ ३ ॥
 चाहो उन्नति भारत की, खादी अपणाओ ॥ ४ ॥
 साठ करोड़ द्रव्य भारतसँ, व्यर्थ गमाओ ॥ ५ ॥
 अर्ज आपसँ शर्मा की है, ध्यान लगाओ ॥ ६ ॥

गायन नं० ९

(तर्ज-दिल्ली खूब सजाई थी, देवपुरी दर्शाई थी)

खादीने अपणाओला, जद थे मुक्ति पाओला ॥ धृ० ॥

नाथूरामजी वाली बात सुणाऊँ, थाँने मैं किसयिध समझाऊँ

चर्खासूँ ध्याँन लगाओला जद थे० ॥ १ ॥

विलायती कपड़ाने छोड़ो, खादीसूँ नेहाने जोड़ो,

गुण स्वदेश का गावोला जद० ॥ २ ॥

घूंघट काढो कर होशियारी, फिरभी दीखो नखशिख सारी

मनमें खयाल बणाओला जद थे० ॥ ३ ॥

धन विदेश क्यूँ भेजो इणसूँ, करो बचत हो रक्षा जिणसूँ,

चर्खासूँ प्रेम जताओला जद० ॥ ४ ॥

गांधी नेहरू यूँ समझावे, बख्ख स्वदेशी लाज बचावे,

हृदय को हार बणाओला जद० ॥ ५ ॥

गायन नं० १०

(तर्ज-आली दुवाईरे नौका धर्म की)

चेतोरे भारत वासीरे, जागोरे भारत वासीरे,

सोचोरे भारत वासीरे, होवे है थाँरी हाँसीरे,

थाँरे कर्मासूँ जगमें, डूब रहीरे नौका देशफी ॥ धृ० ॥

खादी त्याग भुलायो चर्खा, करी भयङ्कर मूल,

विलायती कपड़ों अपणाकर, कियो देश सब धूल,

भारतवासीरे० ॥ १ ॥

उपजात्याँका कड़ा नियमसँ, देश हुआ बेहाल,
 सुवर्ण भूमि मट्टी हो गई, गुलामी बानों डाल ॥ २ ॥
 ईसाई यवनासँ थारे, जरा नहीं परहेज,
 अस्पृश्याँने दूर भगाओ, खूब धर्म की पेज ॥ ३ ॥
 घरमें विधवा बेटी बेठी, थेजा ब्याह रचाओ
 बूढ़ापामें लाय बीनणी, मनमें नहीं शर्माओ ॥ ४ ॥
 पुनर्लभको नाम सुणो जद, अपनो रोष जताओ,
 बनें विधर्मी वैश्या तो थे, फूल्याँ नहीं समाओ ॥ ५ ॥
 कहें आपसँ शर्मा सोचो, भारत माँका लाल,
 चेतो तो सुख पाओ, नहीं तो होवोंगा बेहाल. ॥ ६ ॥

गायन नं० ११

(तर्ज-दर्शन ने आवे नरनार, गंगश्यामरी महिमा अपार)
 होसी चर्खासँ 'बेड़ो पार, बंधू खादीको करली सिंगार ॥ ध्रु० ॥
 स्वदेशीकी महिमा है भारी, मालवीयजी बरणी सारी,
 केवे गांधीजी बारं बार ॥ बंधू० ॥ १ ॥
 बख्श विदेशी आवण लागो, लूट गयो खादीको बागो,
 हुआ देश दरिद्र अपार, बंधू० ॥ २ ॥
 बख्श विदेशी लूट मचाई, नादिर शाहने मात दिलाई,
 जावे साठ करोड़ कलदार, बंधू० ॥ ३ ॥

स्वदेशीने थे लाणी चाहो, गुलामीने थे मिटानी चाहो,
कपड़ो देशीको करो व्यवहार बन्धू० ॥ ४ ॥
सारा नेता यूँ सिख देवें, सुभाष नेहरू गांधी केवे,
शर्मा करलो मनमें निर्धार बन्धू० ॥ ५ ॥

गायन नं० १२

(तर्ज-कुछ फर्कसूँ " सरकार थाँरो पंचरंग फेटो भोजें ")
कही मान, झंडो फहरादो तिरंगी बन्धु आन, ॥ धृ० ॥
रजतम सत्व को भेद बतावें, कौमी झंडो गुण जतलावे,
भाव हिन्दको सब बतलावें, हृदयने साचो शुद्ध बनावें,
है प्राण, झंडो फहरादो० ॥ १ ॥

राष्ट्रीयता सिखलाने वालो, गुलामी कौमी मिटाने वालो,
स्वतंत्रता जतलाने वालो, मनमें हर्ष बताने वालो,
रख ध्यान, झंडो फह० ॥ २ ॥
प्राण रहें तक थने अपणास्याँ, नीचे हर्गिज नहीं गिरास्याँ,
भारतने आदर्श वणास्याँ, हृदय पटलसूँ थने लगास्याँ
तूशान, झंडो० ॥ ३ ॥

गांधीजी की बात निभास्याँ, चर्खासूँ में प्रेम जतास्याँ
खादी की पैदास बढास्याँ, दारु का गुत्ता भी उठास्याँ,
रख मान, झंडो० ॥ ४ ॥
धिलायती कपड़ा की होली, घर घरमें होवें बाडौली,
हलदी घाटी थर्मा पोली, भय तजदेओ बरसे गोली,
आशान, झंडो फहरादो ॥ ५ ॥

यदि आप को क्रान्तिकारी सामाजिक उपग्रह पद-
ना हो तो जरूर करके एकवार

“सच्ची—सफलता”

को पढ़िये मूल्य ॥

“स्वाधीनता का विपुल”

स्वदेशी की नामी गजले मूल्य ॥

पुस्तकें मिलने का पता—

पं० सर्वहिराम शर्मा,

बड़ाबाजार

मलकापुर (बरार)

यदि आप को किसी भी रोगपर आयुर्वेदिक शास्त्रीय
औषधियों की आवश्यकता हो तो जरूर करके एकवार
हमारे औषधालय को लिखिये, मैगानेपर खात्री होगी

पता—

मेनेजर महावीर औषधालय,

मलकापुर (बरार)

Melkapur (G. I. P. Ry)